



西浙泉厓邵先生詩集卷之十

西蜀門人聚菴于德昌梓
西蜀門人少江桂嘉孝校

題教蒙泉兵憲靖海卷

伏波立馬擣巢居瘴海腥風一掃除
聖代天兵元振奮臺臣廟算費躊躇
全收鐵艦春雲裏半攬星旂夕照餘
此日獻俘丹闕下重瞳色動氣應舒

賀白蓮道人袁邦正添丁三首

棹入吳門尋白社偶逢彌月集華筵
驟珠出水秋生彩玉果臨盆客有緣
漫說充間千氣象應誇落紙動雲烟

夢蘭我亦多新感醉後君前一輟然

君家兄弟盡圭璋階下還看玉樹長彩服百年同獻老

尊公康壽白眉千古獨稱良春來共試登山屐花下歡

傳曲水觴此日僦叨湯餅會尊前誰復笑何郎

老我西江秋水澄任渠点染墨成蠅且離塵海三千界

勝上瑤臺十二層何日秘傳鴻寶苑炯然坐伴玉壺冰

吳門會識真龍種燕市從教價轉增

嘉禾行臺飲別少嶠譚監司次曹紀山侍御韻

霜臺涼月度南樓野客當杯且倦遊夜發舟航饒渡口

春留花鳥尚湖頭謝公不減東山興范老能先天下憂

為道三川十年事多君高誼媿時流

有懷龍岩趙監司和文谷孔宗工留別韻

東風花鳥近蹉跎買醉湖山日幾何獻壽忽傳獲節

遠懸情長望五雲多尊前雨過開新草浦口春深長綠

波此去詞垣應簡重明良千古一賡歌

湖上用近山韻再賦玄雀篇簡贈龍岩

西郊散步翫晴雲瑞雀高騫不可群千里蜚聲揚玉羽

九霄顧影見玄文含情露下心先警惜別弦中怨獨聞

何日丹成一延佇月明滄海更思君

簡畚近山賦贈敏齋弟來韻

媿我東風棠棣花與君兩度醉堪誇江頭躍馬歡同賞
苑外乘春坐未涯此去青山誰作伴興來綠酒不須賒
高情更愛山礬好筆落烟雲稱大家

和近山五雲山韻簡文谷學憲

我昨延陵悵遠行歸來春晚盼文旌此時禹穴風烟會
想見雲門魚鳥情道在六經元自重心傳千聖係非輕
先生上谷遭逢日造士從前大有聲

送十洲方進士之京

西湖燕笑暫相依北闕龍光不可違丹鳳早趨紅日
下文鷓鴣遙傍錦雲飛此行簡注臺端重况復才名天下

稀初夏長風千里便關頭何惜動征衣

過湯楚東別駕話舊再申道場之約

長夏山堂涼雨歇星幢雲帔晚相過詞林舊業還文藻
少府新腔且嘯歌淮浦一從論往昔道場何日慰蹉跎
故人有約頻回首猿鳥無聲情轉多

俞亭川板陪楚東湖飲口占

菡堂昨夜淹尊酒盡軻今朝醉綺筵上客交歡情不厭
西湖入夏景偏妍兩峰雨過青螺出萬柳風迴翠縷牽
更有荷香來別港遠芬清吹掣繁絃

萬花春曉爲楊愛竹題

東風吹暖颺晴絲繞砌紅香入酒卮羯鼓那煩催浪盡
湘簾番訝礙高枝主人笑口開常滿野客閑情賞未遲
無限韶華不禁思曲闌干外一題詩

雨中訪少泉沈給事和來韻

游雲颺雨故絲絲一曲蕪葭幾夢思試徹禁前青瑣闥
來群江上白鷓鴣醉褰秋水芙蓉帳笑聽春風楊柳辭
夜半閒情重相訪山陰那惜放舟遲

追送程齋盛宗師北上二首

端範堂階感昔時春風滿座記吾師直從堯舜開皇幄
再見夔龍入鳳墀道在此身元不老功高 聖壽是昌

期元之一粒真如雪何處玄探九轉竒

長風北駛瞻心遠急雨西馳望眼饒沾濕舟航動問諸
借光燈火漫招邀 龍章喜見馳南服雀馭登看上紫

霄珍重吾師番惜我不堪流落向漁樵

哭鳳山翁

慙予水部日爲郎得侍明公紀律場履範屹如瞻岱嶽
勛庸宛復見虞唐赤松亦自尋真遠丹鳳何緣入夢長
喪後先君無此淚傷心端爲國無良

壽竹村楊太府兼簡賢郎秋官小竹

六月朔日長庚明竹村先生茲降生涼陰滿地破酷溽

直節一段揚孤貞籜龍春早頭角變苞鳳風度簫韶鳴
茗溪千畝飽雨露此君葉葉俱聲名

熊南沙湯楚東二別駕餞別峴山之浮碧臺

長日交歡旌旆合平臺惜別酒杯深當關竹篠惡須斬
得雨稻秧青可針涕淚漫漫尋羊子碣江湖真擬伯牙琴
百年知己堪誰共不負尊前一賞音

舟次題楚東竹莊卷和卷上韻三首

兼憶沂翁

風急樓船山雨收開圖按卷過林丘梅橫籬落香仍細
竹繞堦渠景自幽一路賓朋偕笑語何年書劍共追遊
踈枝暫倚尊前賞瘦影常歎石上留

脩篁何處最高臺昔有神龍喚雨來洗出九天紅日淨
甍回萬畝翠雲開一簾涼月還茆屋四座清陰長石苔
此日龍孫現頭角不妨歌笑醉深杯

郊坰昨夜風雷行蒼筠春早蛟龍鳴溪橋村店半昏黑
遙岑遠岫迴空明須臾雲淨出舊宇只尺日朗開新晴
追憶往事未天定林棲野泊居然驚

王石泉爲里人乞挽章

石泉謂我作哀辭漫說周君若故知產拓千金依近市
情投三徑傍東籬可憐夜半泉臺夢都付風前猿窟悲
何處招魂歸未得月明露冷更凄其

明發渡江赴石洲張會稽約往吊董中峰座主
江上秋風落夜潮隔江烟樹遠相邀孤帆小揭懸東渡
五馬平臨出野橋爲憶故人情好別還憐知己夢魂消
海門初日扶桑近百丈紅光射斗杓

沈江村太府飲予大觀堂移尊月望亭對局二首
一上層階得大觀白雲深裏晚峰寒牕涵秀色蓬萊近
席捲濤聲江海寬萬戶樓臺全入望千村禾黍更堪歡
分杯燕寢開圖畫回首東南路淼漫

雨後登臺烟靄分萬峰羅立尚氤氳會稽屹立當天出
秦望峻嶒不可群更酌何妨移俎豆開枰亦自動風雲
主人愛客還多興醉倚清尊醺夕曛

尋陽明洞

松杉影落高雲侵半掩柴扉開石林隔溪仙犬吠轉急
傍水野花寒不禁瀚海此身總幻泡洞天何處煩追尋
主人硃宕且千古白日青尊愁費吟

雲門山寺次石洲憂旱韻

石洲憂旱何蒼黃高天下地走且狂十日不雨老禾死
千里無青田父忙安得精誠格大帝忽爾淅瀝鳴迴廊
感茲痛念轉愁絕拂紙抽毫遺上方

登戒珠山飲中峰精舍有懷中峰先生

戒珠千古義之宅精舍何年結構來此日瞻承惟杖履
昨宵風雨傍樓臺秋聲樹杪悲何劇野水溪頭逝轉哀
獨雀九天聲萬里月明滄海爲君猜

山閣題竹

五雲山閣凌雲深背閣萬竿修竹林高枝洗刷淨塵想
瘦影冷澹空禪心冰相歷歷色不改風雨時時盟可尋
我欲下榻傍君醉翛然卧聽蒼龍吟

錢後岡考績入覲

使君報政上瑤天爲說湖田近可憐赤地頻仍煩涕淚
蒼生何以出顛連即看鳳閣絲綸重會見龍池雨

露偏萬里春情回草野五雲蒸暑氣遍萊田

除夜望雪

冬來全想雪封簷風日臨除暖更添萬畝犁鋤春後發
九農禾黍臘前占玄談安得論飛絮白戰何煩擬撒鹽
滕六早須勤駕從莫教分歲酒杯淹

丁未元旦吳山試雪

元日登山烟靄分忽然天際轉氤氳寒聲入樹迴高鳥
朔吹平江翻濕雲點綴冰花初款款遲回雪片故紛紛
四郊那得春先兆三白何妨臘後聞

六日昆弟携諸子泛湖

東皇昨夜迴春仗，畫舸乘春湖上行。
柳拂條風青尚淺，梅縈朔氣白番輕。
酣歌未諳清商拍，縱酒應睎子性情。
慶入新年知有兆，每從歡讌見豐亨。

元宵坐雨

五夜風光在月明，滂沱今夜若爲情。
花燈不辨烟雲色，急雨旋添鼓砲聲。
寶馬香街誰去住，村醪俚唱亦昇平。
團圓且共妻孥語，萬里春從咲口生。

畚車谷鄭中丞年兄用來韻

當歌何必嘆沉浮，躍馬長安今幾秋。
邂逅一尊燕市酒，艱難萬里蜀江游。
杜陵老去心猶壯，魏相歸來志已酬。

安得子真臨谷口，春風花鳥坐消愁。

飲弘兄席上口占和青芝將軍韻

題橋萬里愧相如，畚憶踈慵水竹居。
紅袖可能迴鐵騎，清尊那復羨金魚。
池塘得句推三謝，館閣遺勞說兩疏。
何處洞簫吹夜月，落梅折柳未全虛。

石川張通政過我話舊用來韻

十載逢君水竹居，別來今更笑顏舒。
閒情文潞重開社，懶性虞卿好著書。
雀駕未緣登五嶽，鴛箋先擬叩吾廬。
子長自僻耽遊興，千里乘春信板輿。

過大佛寺訪石川不遇疊韻

石川學士擁高居萬柳風前自捲舒出郭幾從人問信
隔江猶說鴈傳書遲回谷口論芳駕安得湖南早結廬
春到六橋花事好錦雲堆裏醉獲輿

春深飲少洲中舍兼簡桂洲

翰史春從花鳥共清尊夜集笑言開驚飛鳥鵲歌鍾起
望入雲天別夢催相業可能追范老君名當不愧玄才
此行 鳳闕殊恩眷只尺西廊接上台

輓散樗蔣翁兼慰惟高兄弟二首

深春底事尚高寒後夜啼烏血未乾樗櫟百年根幹在
鶯花三月夢蒐殘風前駕雀凌玄極海上尋仙得大丹

何日五雲 天闕下

封章兩地笑回鸞

惟高出繼故云

樗翁正好樂昇平忽報仙遊上玉京落月空梁詩夢冷
梅花雪片醉竟驚誰憐寸草心還切未副千鍾報轉繁
丹旄飛揚春去後不堪薤露發歌聲

輓蒲亭令堂潘孺人

斷腸可是烏啼恨分影還憐雀夢長春日板輿剛獻覽
秋風仙館忽悲傷天南寶婺離東壁雪後萱花悴北堂
萬里雄飛知有待泉臺坐見沐恩光

退齋左轄招飲雲居古冲適轉右轄復招宗陽之
燕即敘事和韻各一首

使君抱藝出承明筆落湖南風雨驚
雀喚雲居天欲曙
龍歸聖水夜還晴聖水雲居舊名
開尊剝喜冠裳集把袂偏憐

丘壑情祗是謫仙更高誼當杯折簡復追迎

玄壇坐酒憐深夜急雨當歌且未迴
柱下二龍蟠入座

燈前五馬笑分杯

時近山六橋弘兄余主賓五人故云

新恩早已馳徽省

法駕今來尚柏臺浙右何緣延福德
清光炯炯射中台

林退齋胡懷野劉西厓三公賀生孫有作

茹堂高駕集三台爲報生孫笑語開
謾道充間成大慶

喜從上客醉深杯春回合浦疇能得
日煖藍田近可猜

湯餅當年傳盛事九霄雨露荷培植

五月六日郭西峰新樓初成登眺有感

長夏高樓望眼賒碧天雲淨見飛花
吳山秀列蒼屏出

湖水光浮白練斜此日新成趁燕雀
百年雄據殿龍蛇

西峰徙倚還多興北極常瞻意未涯

春山富憲副左山顧少恭草堂對酒得句

故人聯棹下江湄長夏茹堂坐酒遲
花外歌喉頻度曲

尊前笑口漫開碁上林躍馬追前度
西蜀行春憶舊時

萬里風塵十年夢更于何地話相知

次日飲湖上西溪山庄

西溪樓閣錦雲披上客登臨醉酒卮
山列翠屏窓外見

天開寶鏡席前移吳宮漢苑春何在藥塢花階夜轉疑
一卧滄洲千日醉幾回清夢繞湖陂

七夕二首

五十五年當此夕每逢牛女一開尊佳期喜接河陰駕
老境懽添膝下孫爲問支機臨月榭肯教乞巧向風軒
壽筵亦自陳瓜果更酌何妨咲語喧

此夕浪傳牛女會風簷露立夜深時金蟾未沒銀河淺
寶鴨初沉玉漏遲天上可能追舊約人間何復怨秋期
龍梭鳳輦無消息繞砌寒蛩祇自悲

龍岩趙監司飲湖上如歸堂話舊用韻二首

錦里論心十載餘相看華月幾盈虛一尊今更中秋夜
四座還憐雲水居劔外壯懷堪共奮風前詩髯未全踈
雄談此日如君少不負詞林老秘書

燕對西湖夕照餘華堂鎮日坐清虛交歡准擬開繁抱
忽別何緣慰索居露下野蓮還笑語月明高柳半扶踈
瀘川此去多鴻鴈憑仗南天好寄書

報國寺餞別龍岩用來韻

關頭雨過散輕烟寺裏杯分惜遠天執法總誇明鐵豕
旋朝還擬徹金蓮君于此地情偏洽月到中秋夜轉妍
萬里一尊那更別湖山執手是何年

九月六日壽劉西厓學憲用韻

海內名流今見君，文謨武畧竟誰分。何當把菊憐初度，漫說登高托舊聞。造士只今開日月，談兵旋亦失風雲。賢豪此去多封拜，渭水商岩信可群。

昭慶寺與莓厓周年兄話舊二首

江閣放舟憐往歲，山堂坐酒話今宵。百年道義欲誰並，萬里風波恨轉饒。野菊霜寒番耐老，臺蓮秋淨故含嬌。參禪近得寰中味，馱宦孤雲不可招。

向晚禪壇尊酒共，高秋小國夢魂多。同袍千古疇知與，野興三更且笑歌。涼月一窗窓僧未定，商飈入戶鴈先過。

每厓此處應同好，把音書慰薜蘿。

輓一槐錢東翁兼慰維永

賓館投交三十年，南新橋下昔稱賢。佳兒遠到雲霄近，大耋崇沾雨露先。蓬海何緣歸雀駕，玄臺指日貴鸞箋。秋風永夜生新感，涼月高江真可憐。

翠岩黃侍御對酒論詩席上有作用來韻

朔風吹雪滯星槎，錦什當詞見作家。攬轡遠乘春試馬，行臺先度夜棲鴉。君依日月心應赤，我醉湖山興轉賒。邂逅何緣成晤語，一尊相對問年華。

丁未除日折梅自况

今歲歲除除可得煩冤除却試新歡東風破臘先回令
朔雪迎春巧耐寒柏葉笑拚千日飲梅花慣插一年看
生涯恠底多盤曲直榦踈枝也自安

戊申元日過弘兄書院見紫荊復發感而賦此
歲朝晴日來芳院喜報荊花雪後繁老榦何緣成遠折
新條時復見孤根九天露下從沾潤萬里春回早負暄
今古田郎遺事在東風着意破愁煩

六日弘兄偕諸子弟再過淨慈登天竺山遊燕
昨憐取醉南屏晚歸路猶聞鐘磬聲今更駉駉來佛國
超然杖策度山城風前棗萼元相並春到蘭芽馨復生
執手分觥更懼冷新年那說舊昇平

讌嚴木山錢南坡于湖登南屏居然亭和韻

春來湖上多風雨今日晴輝散綺筵景在六橋花鳥外
興餘尊酒笑談邊交歡不厭更杯酌覽勝何妨醉管絃
執手亭陰一長望南屏高並北峰肩

春日南屏騁望餘居然亭子可憑虛千桃蒸染游人醉
一水澶洄長者車何處簫聲吹自好年來詩興恠全踈
君平老去成都便若水風前漫索書

承祐謝子雨夜過敘因簡程齋翁祐翁孫甥也

坐久前堂聽雨聲客來沾濕醉深更青春躍馬花間出

白首當歌分外清此日才華論謝眺百年山斗愧諸生
吾師倚重雲霄上丘壑何緣乞舊盟

蕃臬諸公招飲淨慈寺歸路口占

綺筵張法駕詞垣道語長新水鳴蛙分鼓吹

簧雲林剝喜香花供塵世間看傀儡場

廿萬桃千柳帶斜陽

友之約不克用韻申約二首

此天
素
來
今
更
宦
情
微

機

西日雲深高可扳東天飛瀑下星灣大觀此去烟霄上
野性從來山水間十日未緣陪道履三生有約叩禪關
歸途貽我瑤華句那得重携一解顏

南坡爲武肅裔過錢唐祭文穆王因覽湖山留別
衣錦山開王氣浮妙因寺遠寢園留年來霜露生新嘅
此日蘋蘩感舊游天日雲深千障合西湖春早萬花稠
相逢尊酒重相別折盡垂楊牽客愁

西郊嚴子入蜀省侍木山中丞

聯舟夜聽關頭雨把袂心懸天外旌蜀道十年慙我老
西川萬里壯君行風塵且試雲霄翮湖海先疇烏鳥情

開府即今疑望遠好從仙轡急官程

陳別駕守義號南堂因念西川

君家甘棠湖之南而今棠樹更稱甘嘉禾入望雲千頃
西水當關月一潭敷布可能追召伯謳訶應不讓張堪
慙予駟馬橋邊路萬里春風幾駐驂

姑蘇遇懷東顧給事偕懽南鄭憲僉遊虎丘二首
十年錦水瞻承別此日吳門邂逅奇忽漫放舟論往事
偏憐坐酒聽新詞虎丘山遠南薰便鳳閣天高北望馳
玕重黑頭青瑣客雲霞還惜掛冠遲

長夏南風送北舟偶逢知與一遲留開尊且醉千人石
杖策同登萬佛樓笑指吳宮花鳥在坐看大海水雲浮
連朝雨過生新爽澗壑旋添綠樹秋

吳門訪王方湖遭鳴山胡子把酒論時事有感

故人萬里含哀去有約無緣思不禁忽遇交承安爾老
歡然一見話同心關津雨過風雷動邊塞天高感慨深
且傍清尊疇壯志太阿未必竟消沉

毘陵遭自所陳鎮江拉予爲金焦游感而賦此

長望金焦十載餘天風海月滿庭除南薰曲借三吳便
北道欣逢五馬車京口潮生迎短楫丹陽雨過振輕裾
新涼膾喜看山好明日江臯一展舒

自所夜讌貞肅堂并謝移舟一首

霜臺雨後涼生袂，風檠尊前爽出群。
座對金山雄萬馬，城開鐵甕靖三軍。
興來漢卓烟雲濕，客到吳歌子夜分。
媿我才非徐孺子，風檣露榻下陳君。

及齋魏憲伯招飲公所簡謝兼候此齋年兄

百年臺察新除重，千里江防憲節高。
坐鎮貔貅雄島嶼，笑看魚鳥狎波濤。
清尊長夏情偏洽，野客叢談興轉豪。
自是君家有真味，相逢端不負同袍。

錢南坡開讌集山和水東韻

萬里高江千尺懸，風吹海立片帆連。
爭看青玉岩頭塢，試酌東冷石上泉。
草沒荒亭閑古洞，雲驚野雀下平原。
當關剩有鼉鼉窟，笑指金山別樣天。

雨中登金山聿動南都之想次陳鎮江自所韻

長夏高江賦遠遊，清尊野客共收留。
黑雲海外蛟龍出，白雨風前鶴雀愁。
更聽潮聲來別浦，偏憐月色帶寒流。
歸舟指點金陵道，望入崑崙第幾州。

白土館次文麓郭常州壁間韻因簡文麓

雨過前溪斷野橋，泥塗只尺隔雲霄。
可憐老馬千年骨，歷盡長途萬里遙。
泛駕可能追逸騎，凌風元不怯行輶。
明朝且整馭駘步，騰踏清塵試早朝。

入都門豫簡東瀾蔣京兆

春燕昔曾叨共賜冬官元喜托同心石梁漫草風前句
易水時承天上音老我花潭成遠別憐君江閣得追尋
連朝苦雨舟陽道長望神京思轉深

沸泉李京兆過天寧話舊并賀賢郎高第一首

太白仙才宮錦新長庚入夢夜還裊詞鋒已識千人敵
宦海仍開萬里津冀北經年勞遠思江東此日接清塵
山堂忽逐高車過執袂掀髯笑語春

賀方西川侍御擢泉守西川禮闈聯第故云

別我西川十六年川西萬里隔長烟偶來舊國三山道

會接新除五馬仙繡斧久推風力著熊轡崇簡墨華鮮
追思春榜聯名日天闕遭逢洵有緣

東瀾命飲輔堂夔柏樹下對局兼簡沸泉

京輔堂除夔柏陰亭亭高蓋倚雲深懸知造化栽培力
不道冰霜越歷心柱石元材應自許江湖斷梗得追尋
清尊坐晚憐芳蔭一局樗蒲風滿襟

題雀亭

野雀羈棲傍掖亭孤飛矯矯出雲青何當露下心先警
自惜風前夢未醒刷羽每依楊柳听呼群還過蓼花汀
丹砂養就千年格此日梁園藉寵靈

章三洲祠部扳往南城聚寶門登報恩塔

執轡都門歷野橋浮圖淨啓通青霄龍蟠出海叅禪境
雀馭開林翊 聖朝萬劫緣空三寶現諸天法護五雲
遙聞心剩意南薰發絕頂平臨北斗杓

三洲偕渠軒移尊雨花臺

攜酒高臺日未斜雲光點綴雨飛花經師法戒竒如構
野客登臨勝可誇檻外荒烟迷遠草尊前古樹亂昏鴉
青山一見多惆悵望入江南思轉賒

張南屏道長飲予清涼寺登虎踞山坐翠微亭時
風雨驟至而江山形勝一覽在目真大觀也

炎天喜過清涼寺驄馬熊轡接轡行虎踞山頭雲正合
翠微亭上雨初傾九天駕海迴金闕萬里橫江抱石城
覽勝且拚歸未得開襟那惜醉更深

張半山偕三洲武庫飲予靈谷寺和雉山太史韻
誌師貞寂幾經年鐵錫金刀識舊傳長夏萬松清閣道
炳靈幽谷卸塵緣茶瓜入供心能覺澗壑分杯酒似泉
安得一斟功德水冷然骨髮抱雲眠

鍾山瞻眺兼紀誌師之異

神烈山高王氣浮金城玉壘殿松楸萬年天造黃龍窟
十里湖開玄武洲佛子可能安塔所 聖皇早已奠玄

丘小臣瞻謁心香在百拜風前此壯遊

寄壽東瀾大京兆

老我秣陵來遠道多君高誼荷追陪
祥開南極老人壽酒泛西池王母杯
正好陳詩申嶽祝却憐歸路向風裁
百年柱石誰堪並屹立真傳天廟材

謝同谷包涑水

金陵城闕九天開涑水田疇萬頃迴
野史濫紆丘壑性仙郎真試錦雲才
京華風味憐春釀伯子時名重午魁
為說相如擅詞賦當歌病渴傍琴臺

朱三松北上

鐵榦虬髯冰雪姿宮牆樹立幾多時
高枝小揭雲霄出清廟何孤梁棟推
月下吟哦渾不厭風前偃蹇亦堪悲
秦封岱麓胡爲者此日經過有所思

七月望奉枉張餘峰王思琴月夜泛湖

雨過畫船蓮葉香新秋湖上晚生涼
尊開坐月風塵遠客醒當歌笑語長
笙簧一天來子晉星槎千古泛張郎
成都賣卜人還在爲說支機牛女傍

借六橋再枉餘峰飲紫陽山移尊野
宦洞天得牋字

上客尋幽到洞天紫陽蒼翠晚雲連
千霄夏木千章合

身居詩集卷之十
傍砌危樓百尺懸移席可能醒霍夢分題直欲在鴛牋
勝遊莫訝秋風早高誼元推水部先

春山過草堂拉予爲淞泖遊曲盡情款感賦三首
海上故人直憶我春深飛楫下江州落花早擬埋芳草
明月忽懸當畫樓執手滿懷餘涕淚連床今夕更綢繆
夢回耿耿心千里番愧從前汗漫游

雲華迢遞水雲隈一棹相從感舊來橫浦沙顏春漲合
朱涇溜急晚潮迴當歌漫訝文園病下榻應慙孺子才
卧我浹旬真意在海鷗沙鳥莫深猜

九峰溪遶禪關淨三泖波迴梵塔高盡日樓船花外出
漫天鼓吹月中搔春鮮入饌山多筍風味當杯蟹有齋
歸思忽乘游興發脩髯短髮半刀騷

嘉禾偶逢諸鄉老拉予入社會即席和韻

浪游誰復問陰晴一棹三吳賦遠行陸氏才名先自重
會首石涇中丞 晉 東林冠蓋向來輕淵明愛酒終歸
峯秋官 倡故云

杜惠遠能詩得主盟千古白蓮真意在招攜此日荷深
情

飲瓶山項太常錫山堂對景疊前韻

一春積雨喜初晴千里看山特地行寶帶當關天柱出

主峯寶帶帶鬼 然中峙故云 錫華隔水晚烟輕我公丘壑有真趣此日

林泉早結盟慙愧非才叨盛賞清尊涼月倍高情

壽胥峰初度兼簡賢郎二進士和韻

壯志平臨星斗寒烟霞此癖未應安却開九老香山社
試鑿龍門八節灘爽入西岩常柱笏祥回南極一彈冠
階前剩有冲霄雀萬里春風取次看

翫鷗樓吟爲外博李拙修題居兼簡老懷之志一

首

湖天風槩見斯樓鎮日登樓翫野鷗紅蓼淺頭分坐卧
碧波深裡幾沉浮機忘自得煙霞趣性懶何妨雲水謀
身世百年堪共老閒情此外更何求

題望湖用韻

鷺鷥湖開臨高堂五龍橋高流夜光溪鷗野鳥日去住
漁竿釣石多星霜可憐月色接天遠更聽歌聲隔浦長
老我尊前一騁望水雲飛處情難忘

石屏胡監司草堂話舊

十載西川揖使君雄飛北道氣凌雲官推廷尉今張釋
法重監司古惠文蒲地風霜天外見故人笑語坐間分
爲傳錦里螭頭石淚落花潭日未曛

謝徐陽屏餽米

故人折簡下江鄉惠我新秔得早嘗代食未緣躬稼穡

身居詩集卷之十一
逢年端擬富倉箱緇衣千古粲誰授擊壤一聲歌轉長
貧病憶君更飢渴相期何日話充腸

南屏張道長陟憲遷居兼簡子復葉子致期望云
南屏佳氣鬱葱龍越水吳山秀所鍾白下風高劉攬轡
蒼梧天遠近提封星槎早發江頭檝畫戟遙臨湖上峰
此日占言還有兆乘龍仙客會登龍

雨后訪唐一菴兄于大佛禪堂不遇

湖上新晴蒼靄分遠山環帶尚氤氳登臺坐飲烟霞氣
杖策來尋鷗鳥群此日窮愁誰憶我百年道義屬之君
隨緣何處深杯酌倚徙秋風日未曛

抑亭陳彰德遠寄周鑑塘地卿翰儀簡畬一首

簡致故人天外信風傳萬里十年心開緘滄淚情逾昨
拂紙煙雲愁轉深有約西湖論舊雨何當 北闕絆
朝簪高懷涼月歡誰共把玩尊前空好音

暑病中有懷少嶠譚少叅

峨嵋青入雲千仞秀拔西川翠幾重拄笏昔憐曾着眼
觀風今喜得追蹤何當移鎮南明道老我瞻心天柱峰
峨嵋雁宕俱有此峰故云長日且閒調病霍端居那復覲人龍

潮溪謝監司過我茶話悵然有作

長夏茆堂江燕飛輕軒高蓋過玄暉柏臺風節人爭重

水部才名世所稀五月冰霜寒入座百年肝膽淚沾衣
留君不住空杯斝慙愧盆蓮花正緋

白坪高叅藩進表北上過別因簡三峰大司徒
夏日園林花事稀一從病困掩柴扉忽傳戶外呵先隊
謾訝風前倒着衣此去九天瞻帝座還看萬里覲親
闡三峰泰華深知已十載西川意不違

瓶山胡中丞曉臨敝止話舊

十年服役西川遠舊雨新來感故知遼海欽承開幕府
湖山斲對話襟期輝輝旭日龍光近渺渺秋雲雀步遲
珍重使君有高格九天隻關繫長思

九月之朔潮溪過我具道文場得人之盛而榜首

出自檢閱時近山適至復爾坐談

多君風槩在霜臺暝色柴門笑語回冀北空群煩巨眼
湖西入彀重元材發解周詩為錢唐人故云薦雄不負長楊奏歌郢
應憐白雪裁忽報高齋金太史偶逢冠蓋共追陪

成齋六溪二明府開燕紫陽洞天簡謝二章

紫陽仙閣羅尊俎野雀山椒出羽翰滿地烟雲迷谷口
一天星火下林巒風塵物外生新態傀儡場中感舊歡
自是君侯能好客夜深數問酒杯乾

省下多君撥百忙隻鳧飛集白雲堂閒心入夜江湖遠

野興逢秋笑語長五袴劫來歌未已一尊坐對醉何妨
朝天此去應臺諫借寇無緣祗自傷

哭鳳溪張道長夜夢鳳溪吹邃騰空覺而賦此
聞君仙逝感交情長夜無眠夢轉驚鐵笛一聲天萬里
白雲滿地月三更從來義氣卑時態老去真魂媿友生
底是善人易摧折山花江草恨難平

賀日崑顧監司弟闕登第兼簡日崑

秋風鴻鴈意何如千里湖南走薦書報到柏臺知入彀
行看楓陛試傳臚三湘秀色開文運五夜祥光繞
帝居簪筆同朝應有待二難天闕拜人恩除

自山石屏潮溪日崑四按察過我闕西番圖冊有
感二首

霜駕星臨冬日暄圖開隱約見西番雪山天遠千峰出
玉壘雲屯萬里昏此去轉輸知有路從來更直泣無門
當年牛李煩多議回首風前斷客魂

慙予十載老成都闕險探竒搆此圖關隘百年多廢堡
山川何處更窮途繩橋立馬危難度砲石懸崖命已徂
課國群公有深慮西南防禦未應踈

展南泉沈秋官魁秋試卷有感

真憐藝苑出群才意興翛然老眼開筆落煙雲還作態

詞成錦綺若爲裁
雀凌西極迴高翅
梅占東風報早魁
眼底紛紛誇獨步
妖花小草亦登臺

輓學陶巖丈兼簡木山司空

爲憶淵明去不來
學陶人去更堪哀
門前高柳刊風落
階下黃花泣露開
放曠老懷耽酒便
冲虛野性托詩裁
木山有道銘君后
千古聲稱鎖暮臺

江上遭西野黃道長
巡河東道應做菴
移撫汾晉

各一首

客裏喜逢黃叔度
風前傾蓋話深知
誰牽短柳縮新別
故折寒梅疇遠思
繡斧行春開朔漠
樓船入夜下江湄

河東此去應詞賦
萬里吹噓慰所私

看花剖竹幾同君

微菴同予
出守故云

幕府新開不可羣
節鉞書

懸東海日旌旗夕
捲太行雲好籌
諸葛安邊計爲勸
嫵

姚破虜勛千古封侯
真壯觀雄飛萬里靖妖氛

江上簡潮溪謝監司考績

使君報政經過遠
二月春明特地行
京國花深先駐馬
河梁柳軟近啼鷺
身歸朝宁聲華重
夢遶湖山爽氣生
此日風前寄瑤什
瞻心千里若爲情

三衢夜過友石鄭南雄話舊有感因致熊羆之祝

羸海同登三十年
分符兩地各稱賢
何當風雨番多恨

身居詩集卷之十
自信立樊別有緣我憶荆花春傍酒時入闕為知君看

玉樹晚生煙星華在戶雲沾臆把袂臨岐情惘然

題姚夢舉幕府雙泉卷泉在大同苦寒地

北地初冬寒不禁流泉雪后凍難侵分來燕尾春風動
聽徹龍吟夜雨深綠酒當歌春濯足紅蓮入幕試開襟
琴堂坐嘯知君晚何日高山一賞音

過江郎山有懷周江郎山人

江郎三峰高插天恍疑玉柱相參連有時雲霧自發乘
闐然鍾鼓誰為宣虎砲石罅千澗水龍護崑頭十丈蓮
此山之勝也山人結茆得玄竅何如採鍊空仙緣

葉坊遭梓沙王延平入夜對酒論詩和韻

瞬息長駟下浦城建陽溪口接行旌雙龍萬里煙雲合
五馬三江風雨驚梅柳歡迎春入駕舟航喜對夜開繁
清尊白雪真難並明日南平新水生

萬石灘

雙溪曉發樓船遠萬石灘高爽籟聞絕壑湍迴千丈雪
驚濤風掣九霄雲帆檣影落蛟龍渚鼓吹聲屯虎豹群
矯首建安城郭近通都橋下水泔泔

俞左山建寧顧龍川都閩開燕城西驛話舊

懷兄放舸建溪灣溪上逢君笑語還三十年來剗再面

二千里外一開顏驛亭坐酒雲沾臆江閣裁詩風滿山
聽徹清歌情不厭更闌取醉與誰慳

占驗昔年元日夢龍川今可寄吾詩劔門鼓角當關重
碧水丹山入望遲四座綺筵開夜闌隻娥寶髻下雲涯
尊前歌罷明妃曲千古琵琶有所思

簡張嚴亭兵憲

使君坐鎮建溪頭一道觀風屬上流江浙西來閉隘險
甌閩東下水雲浮通都日轉千門曉憲節霜寒六月秋
此日相逢重相別驛亭茶話爲遲留

過黯澹灘簡梓沙若弗以爲勝者歸途命駕綠崖

登香閣凭闌俯視真大觀也先后各一首

習聞黯澹灘頭險絕勝瞿塘滙潏堆今日我來風雨過
輕橈直下笑言迴神魚躍出龍門迥野鳥驚飛江岬開
咫尺南平山下路維舟覓句傍深杯

高閣凌虛瞰激灘驚濤屹立下迴湍雷奔鼓砲兼天遠
雪擁虬貅出塞寒盡日風波那對酒百年魚鳥若爲歡
棹歌聲裏蘭桡發只尺中流自在看

江上遭田莘野都閩驛亭話晚

南平山迥暝煙開劔浦江深濁浪摧邂逅郵亭傾短蓋
相將燈火上高臺多君海上安邊策老我河東作賦才

千里封侯應自許，蓬蓬且共笑分杯。

發水口夜泊芋源驛志喜

棣萼相輝六十年，分枝千里夢魂牽。
東方袖核來天外，南極開躔照席前。
日暖花深香近酒，白雲芳草笑當筵。
春風此度情何限，棹發星馳急暮舩。

春仲望前弘兄誕日張筵開元寺即席有作

曉日壺觴開上刹，春風冠蓋集都城。
白頭第獻三山壽，青史兄馳百代名。
夢入西堂憐短句，醉依北斗見長庚。
江鄉花鳥瞻心共，為憶開南燕喜情。

壽省禮成弘兄送出芋源坐酒惜別

思兄把淚下江津，炙手相歡未浹旬。
鴈陣仍遲天外翼，梅花還折隴頭春。
珠璣滿幅心同遠，肝膽臨岐酒更親。
徙倚驛亭共長望，白雲蒼靄倍傷神。

龍江吳少叅源雨中讌至公堂話舊

急雨尊開藝院深，堂虛鼓吹夜沉音。
含香話舊情逾昨，刻燭留歡樂有今。
花下放歌鸞度曲，風前覓句雀行吟。
殊方回首同袍念，半落當年思不禁。

北崧太府兩峰運，長燕平遠臺移尊。
狀元峰有感，斜日橫空蒼靄開。
通天佳氣護春臺，海門雨過添新漲。
水口潮迴起蜚雷，千里鄉心依短楫。
三山旅思寄深杯。

清歌一曲峰前醉，指顧紅雲接上台。

簡張鄧西憲，副有懷林，雙柏秋卿。

曩君遷謫下清泉，賤子開尊特地偏。物外已深同榜淚，天涯猶說故人賢。華封堂啓春無限，平遠臺高江可憐。塵霧障天風雨惡，歸舟指點話燈前。

顧龍川夜燕定溪齋，掌科適至席上，和稚川王太

史韻

因心千里慰蹉跎，回首雙溪且笑歌。花外鶯簧春後轉，尊前雀駕夜深過。蒼厓玉峽登看遠，青瑣彤墀獻納多。聖主定應思諫草，賜環早晚聽鳴珂。

斗山馮建陽

繼科

雨中開燕福山寺三月十日也

福山淨土殿崇岡茂木，叢林護上方。雀喚雲霄開健翮，龍歸風雨下長廊。圍爐香熱春深酒，促席花飛夜半觴。欲罷小童潭鳥語，尊前羞澁試新簧。

澗濱徐進士再燕柏臺，兼簡定溪齋掌科

綺窗正開冰雪堂，殘春猶自凜風霜。寒侵肌骨屏幃重，酒入尊罍笑語香。青瑣遠從時作客，花封暫試日爲郎。憐予多病懷歸切，驛路思君雲水長。

雨中入武夷山小憇冲佑宮，和王梓沙韻二首

武夷雲鎖萬年宮，九曲溪頭棹晚風。碧水丹山煙霧裡，

疑下女區圖中分明蓬島無人識指點桃源有路通
便欲尋山問玄雀條然羽翰駕長空

名山脈水杳難期老我棲真入武夷芳草路迷青障外
五石溪繞暮春時月明洞府調丹雀雨過岩厓劉紫芝
卸却塵纓與俗鞅白雲叅對坐偏宜

清明過分水關愴懷

分水關頭遇寒食悲風苦霧良不禁忽驚鼓砲自發響
低候迎况乃軒車經遠岑此日玉泉山下淚何緣華髮
杯中深感時佇立一騁望傍砌野花紅出林

飲董金沙廣信

執中高陽人

席間簡周對厓嚴州業孔

去歐灘遠雲千仞入信山環翠幾重春讌几筵歌窈窕
夜堂燈火話從容高陽才子情方適安樂衰翁意未慵
客裏忽驚談市虎尊前那復羨屠龍

送王成齋明府入覲

使君報政重吳南明月千村總笑談單父何緣推宓子
漁陽老我愧張堪西湖梅柳情方浹北道風塵夢未諧
行擬金門奏竒蹟蚤為天下洗沉酣

寄友

回首春風十七年清泉邂逅駐行旃歸來湖上煙霞夢
老去江頭梅柳綠何處清襟憐舊雨多君高調托新弦

鸞棲鵠峙山城曉忽爾相逢一輟然

許野遇東臺余太府還毘陵開筵話舊乞題號

吳門邂逅接雄談夜燕蘭陵興轉酣兩度冰霜論浙水
十年風雨憶花潭知君健翮應高翥老我閒心只遠探
何日柳江開筆札東臺千里見雲庵

放舟渡江長帆瓜埠念急石橋感而賦此

十年夢繞金山寺兩度尊開鐵甕城徙倚中冷瞻寶梵
遲回瓜埠動心旌故人一笑疇今夕勝覽重登藉後程
長望高天胷斜日不堪星月尚孤征

題雲叡圖兼簡清癯子

周子新摹雲壑圖為憐雲叡羨清癯淋漓墨汁蛟龍翥
窈窕風神猿雀俱恨不飛揚隻闕迥可令泉石此生孤
芒鞋到處耽幽僻好雨前山識故吾

過清江分署懷舊簡張瀛峰曹長

五槐從長廿年枝

署時手植堂階今鬱然矣

一境仍開半畝池水竹

舊山雲不沒煙霞別館月偏宜多君逸思分曹遠媿我
閒情放舸遲自昔清江稱吏隱階前老雀是心知

寄寄亭題名簡畲李蓮湖地卿之請

今昔名賢寄此亭此亭寄此亦浮萍百年去住人還在
千里交游夢可醒野鳥經春仍度曲寒花向晚尚餘馨

蟬游天地真成幻何處勞勞感慨形

江寧有勞勞亭古送別之所也

渡河

老我清淮幾度河曾如此地少經過天開波面平于掌
風落帆聲去若梭豨虎不群先遜伏雪山無地漫消磨
浪游忽爾維舟楫斜日桃源笑語多

壽水部彭仙洲母和中丞何沅溪韻

中秋前
誕辰也

萱堂崇構桂山城千里常懸游子情此日行曹堪祿養
三春花鳥得追迎西池酒挹天河遠南極祥開秋宇清
愧我才非曼倩子蟠桃一顆獻長生

觀瀾亭

太白樓下荷池菊徑若以供
仙之玩者和王叔園納言韻

高蓋任城風日薄閒亭城下水雲幽放懷天地渾忘酒
拭目江山還倚樓野菊有香偏向晚露荷無葉可禁秋
謫仙落魄魂何在番愧艱難柱老愁

泊南旺有懷願西嵩水部

南旺湖陂入望賒輕帆短楫鼓頻搥一泓活水分泉遠
萬艷垂楊夾岬斜野雀經秋思故壘村雞傍午報鄰家
長康自古多才雋只尺行曹接漢槎

入清源南溪丁兵憲燕叙瀕行餞不克赴詩以謝
誰違分署清源久忽漫游歌齊魯來秋入霜臺風節見
春回泉館笑顏開高懷喜托三生夢野興何孤九日杯

絲繹羶官煩折簡不堪行李傍城隈

九日登樓簡謝王弼字水部郭漁楚何芳洲二地

曹

秋日清泉感舊游一番重九此淹留江湖落魄尊前滿
萸菊含香霜后稠傍節且賡藍水句登高偏上啓津樓
殷勤北道紛多興長望南天銷客愁

河上簡別元洲張大名和童南衡道長韻

北風吹旆度南關豹軾熊幡訝許班極浦蒹葭聽曲想
接天魚鳥破愁顏長途泥滓那能達健翮雲霄不可扳
衛水灘頭折楊柳一枝千里到家山

壽柴貞臯曹長次山亭嚴水部韻

東臯登嘯日逃名南極開祥此誕生華月秋分新節槩
香山社老舊耆英同袍十載千齡祝對酒三更雙眼明
未入郊坰先問訊風前搖曳動心旌

穀山道中東臯與偕和韻兼簡山亭

煖風拂袖尋幽共晴日當軒寄傲來鼓次聲屯秋塞遠
干旌影落曙煙開接輿歌鳳豈狂者矯手屠龍亦壯哉
因感時事故云有約君平問星石與君先上會盟臺臺在陽穀道中

夜發新嘉道中傳聞山亭擢憲用自壽韻兼賀

山亭丰骨已超然况復崇躋疆仕年水部聲華元上考

霜臺風槩送登仙尊開誕日全移斗劍接離歌半倚天
千里孤踪先曉發碧霄蒼雀喚青田

桃源飲郁同野桂泮宮和胡日門修撰韻

野客十年馳宦轍閒情此日下官河芙蓉醉倚風前棹
楊柳斜牽水面波夢揖故人冠蓋別尊開良夜笑言多
桃源自昔來仙隱况復橫經載酒過

寄清江章性甫清

韋子當年汗血駒而今猶復困泥塗須知直北丰神壯
方信圖南膽氣籠燕市千金那可購冀群萬里未應孤
慙予潦倒風塵久此日還憐問遠途

登金山和胡可泉中丞韻

振衣獨上妙高臺海霧江雲拭不開兩度檣烏煩遠覽
一天笙雀快重來好醅康樂登山興誰擬相如作賦才
歷遍長廊摩短榻墨花翰草接行杯

飲容閨閣和述山太史韻簡南泉水部

容閒飛閣散輕煙春日分杯酒共傳地接長河通渚淑
旒含遠岫出雲天即看塵海真成幻謾說桃源別有仙
我亦閒情托鷗鳥不妨坐對興悠然

明日偕張南屏道長飲居然亭有懷南泉倒前韻

南屏亭子可居然執手南屏笑何仙指點六橋維短柳

分明一水漾平天春風花鳥人同醉落日笙歌景更傳
身世肯容閒此老勛名端不羨凌煙

南江馮柱史奉母夫人眷屬諸子游湖詩以贈之
雲華仙客過星輶湖上樓遲憲節高紅褪野桃朝雨歇
翠迷堤柳晚風號板輿入御行春遠畫舫分杯獻壽勞
更有鳳雛與鴛侶水心波面共游敖

雨中湖上有述

西湖春日風和雨恠底煙雲鎖不開萬頃波吞千尺塔
六橋花沒半林苔游人取醉褰裳集畫舫爭錢載酒來
勒馬亭陰沾濕畫榭杯隄外尚沿洄

挽筆峰黃司訓如山歎人也歿后擢諭詩以悼之
筆峰昨夜劔光寒夢斷嚴陵七里灘叔度劫來推漢史
廣文老去重儒冠誰憐獨宦齋中怨我憶三鱸地下歡
薤露歌終丹旆發門墻此日共悲歎

六月七日過楊南泉清風亭對局和董潯陽韻三
首

風搏古樹結層雲長夏茆堂爽籟聞野客坐耽棋局勝
清尊開傍篆煙分踈篁隔水流新響細草臨渠生小芬
老我駢駢出城郭不妨酷潯漫思君

草玄亭閣日相依隻樹槎牙一徑微剩有風香當戶入

可無笙雀傍林飛推評高調危能和徒倚斜陽醉不歸
長眺南峰向西麓令人謾說謝元暉

聞周鑑塘地卿使吳有懷

忽報仙郎下玉京故人千里倍懸情風前桃李生新感
雨後湖山展舊盟恨不隻飛來雀駕何當一水隔雲程
吳門此日驚秋早憑仗南鴻好寄聲

七日傳神簡謝他山朱子銓兼呈劉約齋中丞

五十九年當七夕偶乘良月一傳神松筠不改蒼髯舊
蒲柳先摧白髮新肯托金針乞天巧謾憑彩筆寫吾真
尊前笑對俱頽面誰是泉翁見在身

齋居忽覩他山子放浪江湖寄此身眼底毫芒分色相
筆端造化奪天真丹心老我稀能識朱紱從君故得新
爲謝約翁舊知己頻煩書札見風神

雨舟野泊有懷劉虛谷德清執什邡人

關頭刷雨雲沾袂漾口衝風浪接天一夜灑窓聲浙瀝
幾回入枕聽潺湲夢紆錦里花潭月棹發山陰剡水船
知是故人還憶我相看何日話尊前

唐貞山別駕張筵峴山即戲用文衡山待詔韻

綺席崇閑逸老堂青衫蒼珮儼分廂白雲入座琴尊適
明月當歌煙水長碧浪潭空秋萬頃葢珠宮遠翠千章

峴山終古多遺愛，駕從平臨更有光。

浮玉山前雜旆旌，山頭鼓角動悲聲。湖天過雨千峰出，閣道經秋萬籟清。羊子碑傳他日淚，坦翁社結故園盟。歸舟指點情何限，小揭孤颿一羽輕。
南坦劉司空建逸老堂爲春秋會社之地

題畫

竹裏鳴琴思不禁，客來坐竹更分襟。涼雲匝地畫常滿，流水當絃秋可尋。蔣詡從開多逸興，鍾期老去少知音。茗溪溪上看新月，把翫尊前一賞心。

劉虛谷携觀半月泉燕聽松堂和馮南淮韻

石罅天開半壁泉，一泓倒影月涓涓。林巒入夜多風雨，闌檻經春幾歲年。野雀啣雲還去住，嵒花沾濕故鮮妍。我來此日中秋近，把酒從君更輾然。

長松千尺殿禪關，一榻松聲萬籟閒。隔水笙簧秋瑟瑟，接天風浪夜潺潺。岩頭子落頻回首，檻外香飄亦解顏。取是高棲雙白雀，碧天清唳費追攀。

病癘夢授仙丹兼示樂境異人之句覺而汗汗而愈感而足成之

伏枕沉吟思轉慵，天游何處覓仙踪。玄瞻百尺憑虛閣，翠倚千章駕叡松。樂境幾乘愁裏得，異人端向夢中逢。

殮予一粒金丹后兩腋風煙星斗從

贈別王南臺曹長竣權還朝

初冬晴日煖煙浮仙使槎回上
帝州高柳有條牽去
旆寒花無語說離愁
十年水部風霜別千古同心冰蘖
儔珍重仲宣更詞賦
閒情早已擅江樓

飲獨山普濟經閣和蓉岡徐道長韻藹蘭上人

蒼筠半畝拂雲平
經閣翻雲切太清
座上春風千劫淨

尊前涼月萬緣明
門迎鐵馬回銀漢
山前即鐵馬河背倚金鰲

虛翠屏
金鰲山之別名謾托閒情話
蘭若此身真比白鷗輕

除夕紀瑞

今年臘底見三白
歲除雪片還飛揚
江天脉脉亂雲影

閣道輝輝迎日光
梅花小折夜同賞
柏葉初試春難量

九秋農務大可卜
犁鋤萬畝豐倉箱

壬子元旦喜晴

聖皇曆數千千筭
三十年過又一初
泰宇同瞻新歲月

恩光偏照舊門間
即看勝裏春先得
不道人間臘未除

明日立春故云試莫辛盤與椒
盞東風着意任吹噓

人日口占勗棠兒

人日喜占壬子歲
泰階誰唱太平歌
一周花甲我流轉

萬里雲程爾若何
綵勝風前占得意
青陽眼底易蹉跎

驚心節序宜深省努力朝元雙珮珂

燈后二日朱九嶷州守開筵張四景戲感賦簡謝

瓊樓高啓入雲層上客新年快此登日轉虛牕偏照席
春過元夕尚燒燈曲江花鳥歡同賞赤壁舟航興可乘
千古風流遺事在勝游端的記吾曾

入蜀經黃州二
勝在目故云

二月初吉和兄挈諸子弟泛湖即景和近山韻

沿隄淺柳綠依稀傍砌野梅紅映扉春色撩人誰點染
湖光入畫更翻飛輕颺拂面傳清籟新月當歌流素輝
棣萼相將重相賞一尊坐對夜忘歸

水亭與聞北江兄對酒簡答遊湖之約

報道故人來遠道一尊拚醉水雲亭妬春濕雨坐不整
起蟄奔雷驚轉醒卸却塵纓問仙訣好從丹竈辦修齡
西湖花鳥年年在那管千峰開翠屏

孫環山太府開燕萬松堂移尊留月臺即席有作
萬松秀攬千峰出一道春從五馬過綺席且須醅勝日
平臺那惜醉高歌江湖獻覽心同遠風月當杯興轉多
坐久不妨遲去施雲裾露鳥下山阿

壽楊乾峰七十因憶丹泉致期望于二孫云

草玄亭上沸笙簧方朔蟠桃酒正香笑祝千齡偕杖履
登歌七秩醉壺觴西湖花鳥春常主南極星辰夜有光

老霍丹成先露警仙雛造就信風翔

贈來霍黃伯靜還黃崑

委羽山頭煙靄開秣陵何處霍飛來十年把玩雲霄翮
此日真拚燕雀猜可是華池尋舊侶誰云洛浦出群才
相逢尊酒風前別一曲朱弦思轉哀

六十初度謝諸友二首

綵線金針引壽長今年靈鵲報來忙
囊中花甲子劉轉膝下羅浮春正香
涼雨一天流几案好風千里度河梁
懊懷披豁清如洗病眼摩挲老更強

寶篆金書照綺筵瓊璣玉屑撰長年雲移函谷青牛駕

露沈瑤池白鹿羈可有才華倫潁水漫尋道業遡伊川

同門師友淵源在老霍峰頭下九天

冲谷以程大中况老父南泉况之以

老泉則不肖豈伊川潁濱比哉

簡沈珠泉橋梓并期巽亭待元

賣藥懸壺隱市門百年事業可誰論
爐中木火春常活鼎內參湯夜自温
雨足珠泉通島嶼雲深方竹長兒孫
一枝丹桂秋先實為說君家種善根

挽湖峰袁照藩

秋老風號木葉殘兩湖深處萬峰寒
翻憐楊柳乘春發懊恨芙蓉隔水看
以壻為嗣故云青鏡文鸞悲自舞朱弦別霍

怨誰彈旌歌載道魂何在露冷霜凄月一闌

錢唐新州大叅禹入蜀并堅陸行之念二首

薇垣花發武擔山雀駕雲程指顧間路出夷陵堪攬轡
天開灑灑巧當關瞿塘水落灘逾吼巫峽山高風轉慳
一道德星賁西蜀誰云萬里費躋攀

君行萬里赴成都老我當年縮郡符錦里風塵劬自苦
花潭魚鳥未應孤山川秀色開文運關堡軍儲足轉輸
此去勛名知不忝龍門劔閣殿碓圖

贈別李五華水部淑兼簡王少泉監司格

彤庭獻策聽臚傳宮錦新裁下日邊興入湖山別越歲

才兼舟楫羨多賢交承畫一南臺並惜別間關北道旋

且向江鄉勞問遺

徐邳河沮因有歸省之念

少泉詞翰重當年

癸丑元日感懷

嘉靖四經壬癸歲

聖皇庚甲萬年春紆朱幸際承平

日抱璞真慙不老身曙色網緼天欲雪韶華荏冉髮成
銀團樂且醉屠蘇酒生菜何妨襍五辛

新正十二日貞亭文錢唐飲余仙林演春席間

即

雪後翠圍羅綺袖燈前彩仗迓青陽一尊笑共雙鳧舄
萬里慙紆五馬行戲綰玉簫春入夢歌迴檀板夜生香
空門色相俱成幻此日何妨惱客腸

燈夕紀晴因簡六泉憲長

四

瑤月一天輝五夜華燈萬盞簇千春
雪消路宛紅塵淨
輦過屏開綠酒巡
簫鼓即看娛上苑
門闌新喜燕芳辰
從占穡事多豐稔
况復芝蘭樂有真

錢文前川中翰北上

關口春深且峭寒
使君鼓棹上長安
垂楊一折心千里
啼鳥數聲花滿闌
青瑣有緣司獻納
蒼生無計轉悲歎
文翁更自多文藻
化俗應教底樣看

桂林仙史西湖曲
長望高堂游子情
純孝百年關聖
治通都千里計
王程留連花鳥歡
同賞騰踏雲霄快
此行老我孤山散
幽寂思君回首月華明

春仲飲玉華冒郡博觀蘭有作

芹堂春早見崇蘭
玉樹生香特地看
可是青衫剗對酒
謾紆蒼珮巧追歡
全歌笑口湘江別
獨抱芳心楚客歎
露下月明清影動
枝枝葉葉上臺端

送詹湛泉邑博歸尤溪

七載橫經無限思
一朝把袂有餘情
誰憐鄒魯風猶在
漫說蘇湖教可程
祖帳長隄剗折柳
還車故里尚啼鶯
引年未逮先歸老
悵望高天壯此行

初夏飲西畹胡上舍園亭有懷伊祖南津司寇

客裡春歸倍感嗟名園徙倚見芳華林深玉版筍初籜
樹老金絲桃未花夢寐南津心獨遠招邀西峽興偏賒
昔游淮海多淪落簪佩從來屬大家

登大茆峰絕頂有懷苟和溪金壇

城開鐵甕喜逢君路入金沙意轉欣萬里故人來製錦
百年高詛眇停雲何當走馬秣陵道漫自看花建水濱
獨上大茆望明月紫霄清喚霍思群

元符萬寧宮

茆山上宮也相傳印符
劔硯諸品具在故云

步入茆山煙靄從上清宮闕儼仙蹤三峰壁立通玄極
萬木陰森護道宗寶劔芒寒珠斗現玉符簡重紫泥封

我來瞻禮心香在雲繞瑤壇翠幾重

崇禧萬壽宮

茆山下宮也有靈
官好客侍飲夜坐

洞庭岡下建玄宮華姥茆峰爽氣通萬壽天高翔瑞雀
七真光啓眷祥虹仙家炊朮松煙細道侶調笙鳳律同
坐酒珠林不成寐露華搖落翠冥濛

哭石亭何掌科

光裕因開奏草簡水亭廣德 光祖

西川崇簡出群才上苑掄魁入彀來命世文章中秘得
格天敷奏掖垣開賈生未許籌三策子建何當賦七哀
萬里孤魂誰倚着月明霜冷雀飛迴

馬首桐川詠鵲鴿石亭諫草墨花腥忠誠謀國心先許

孤憤臨風涕轉零七疏有天敷舜治辨香無地托湘靈
燈前把玩情何限千古空教汗簡青

伍魯齋偉周湖山

廷開宴峴山

座間唐新州商明
洲孫平石泊予也

逸老堂開錦綺筵湖山烟靄畫圖懸燒殘銀燭曲未盡
次斷玉簫情可憐剩有芳尊酌勝賞漫裁新句托高賢
四難二美相知共客路相逢更灑然

祝玉小峰

慶四十兼簡蓉峰

長夏通都十日霖三槐甲第晝陰森夜來南極星偏照
曉起東方朔更臨入手蟠桃仍結子
小峰時復
添丁故云修丹老
雀自行吟斑斕且獻尊前壽膝下還看壽酒斟

七夕初度坐兩席上口占

好雨連宵生夜涼喜逢初度醉霞觴尊前棣萼春常在
膝下蘭馨晚更芳癸丑重經新甲子女牛仍款舊河梁
庭陳轉燭占烏鵲為報年年笑語長

雙壽壽文前川父母

百年雙壽真堪羨寸草三春未有涯椿樹輝輝迎曉日
萱花冉冉襯明霞即看鳳詔沾恩近獨立
龍墀望眼餘風度相離開
帝錄詩裁島嶼獻僊葩

飲南橋精舍和遵巖王祠部韻

南橋秀結小山巒鼓桂新香可耐寒向晚雲霞隨住去

高秋風雨未摧殘，懷人玉樹三千里。坐酒瑤階十二闌，同榜王郎最年少。淵明底事早辭官。

過方山賀古冲太宰起官和來韻二首

樓雲崑際可能留，霖雨蒼生思轉幽。太白宮袍光射斗，茂先神劍氣橫秋。台衡簡注殊恩渥，館閣從容邁品流。此去明良歌喜起，鳳池天闕快登遊。

輕舸涼月去，還留小泊林塘夜。更幽雨過山椒初，入畫風牽隄柳尚含秋。人于出郭堪多興，君是當朝第一流。海內何緣藉甄別，寰中那復見交遊。

送別戴西嶺入蜀兼簡竹坪鑑塘諸故人二首

關頭譟鼓發樓船，清吹暖煙晴可憐。五日尚留殘臘在，九天初試早春先。蘇堤此別無高柳，蜀道誰論有杜鵑。萬里修程應一息，雀翎鵬翮任高騫。使君家住嶺西頭，放舸東吳此壯遊。門對雪山春入夢，旌迴劍閣氣橫秋。早梅香煖感新別，芳草煙迷生遠愁。爲問花潭舊知己，百年道義復何求。

甲寅元旦紀晴

六十二年經歲改，相看今歲更何如一。一元天臘逢寅正

歲朔皆寅故云

七日條風啓泰初

臘之廿三日立春

紅遍野梅香未老

青回隄柳眼，金舒頌椒暖。獻春常注祈，穀豐占慶有餘。

人日燕集喜雪

春風臘底晴相照人日簷頭雪可佳
萬瓦參差銀入砌千門點綴玉凝階
封條未即屯高樹飛絮偏宜散小齋
綵勝金花寒耐酒鸞翎燕翅巧當釵

水部東湖亭賞梅和徐定菴敷詔韻

水亭曲抱湖之隈霞光倒挹胭脂梅
紅酣醉倚石闌出清淺句覓林塘開
南堂東閣昔傾瀉蝶夢蜂香時往來
錦屏仙客花潭主寄傲花前分酒杯

鳳陽徐進士尹饒平

元宵燈火照江鄉仙史乘槎上海陽
庾嶺雪深梅入望

鳳城春早荔生香
隻鳥飛集雲霄近
五袴行歌雨露長
此去應書天下宦
聲名萬里信翱翔

寒食湖上看花感興二首

清明節後多風雨
今歲清明景最妍
日艷宮桃春坐酒
煙迷官柳畫分眠
波涵粧面渾花鏡
鳥弄歌聲襍錦弦
千古西湖真不忝
耽遊那惜辦青錢

蘇公隄上萬桃花
醉眼醺心十里餘
爲礙高枝頻折蓋
偏憐藉草一停車
春光點注誰爲主
太守風流賸可誇
且趁芳華拚盛賞
不妨鎮日泛流霞

夢白石連年兄并致痛挽二首

長淮尊酒成長別夢裏逢君倍感嘆夜雨含酸竟欲斷

晨雞破暝淚如麻論心百代分曹日甲午予督易厥為勒去思有詞把

袂三更上漢槎庚戌公以浙憲應召北送之崇話舊終夜同榜何緣謝知

已辦香無計賦懷沙

谷口長歌伐木篇嚶嚶那更羨君賢漕渠近展經綸手

幕府全收將相權疏濬下流真大計公以修築安東堂為急衆議不合

符謫轉輸上國恁勞牽賜環昨已承恩許抱恨何

當慰九淵論功復職公不可作矣

雨中登容開閣即景追悼楊南泉二首

春風幾度容開閣今日登臨思黯然樾柳扶疎牽曉夢

芙蓉冷落辦秋妍畫圖漫侈鴛鸞隊簑笠還慳雲水緣

獨倚危闌看玄鵠煙霄何處下平田

高閣嶙峋拱北峰西疇千頃翠雲封可憐地下風塵隔

空復尊前花鳥重用世才華恒見忌感時涕淚愧無從

鳳翹麟趾君堪慰他日振振亢所宗

趙甥國詣南都

長夏閔河風日清秣陵千里渭陽情橫經未許窺師席

載筆先誇謁帝城虎踞山高消暑氣雞鳴寺遠度鍾

聲男兒奮志雲霄上鶚薦鵬搏第一程

送見滄茅殿撰轉北國子祭酒

殿撰聲華齊北斗橋門風槩重南山知君此去雲霄上
老我懷人煙水間拜相十年頭尚黑裁詩千里髮為斑
龍墀鳳闕殊恩寵管領東風翊 聖顏

八月四日壽貞亭文錢唐階

中秋華月初生彩南極明星煞有光自是文翁多化俗
須教方朔早開祥蟠桃入手千年獻玄窟修翎萬里翔
雨露湖山知不忝更持春酒介高堂乃尊祿養于茲轉致祝意云

蘿岡曾地卿楚歸廣南和來韻見懷

錦帆高揭秋風涼 勅使啣 恩思故鄉西湖把袂萬
山紫南浦分枝鼓菊黃懊恨渴懷苦病肺更憐別酒澆

愁腸白雲城郭戲萊絲回首還上吳門航

挽何竹坪父封君周鑑塘母宜人兼慰二子

管山絕頂振輕裾風雨吳門坐酒初雙雀五雲饒燕喜
孤鴻萬里費躊躇玉龍 闕下恩光重金馬街頭涕淚
餘猶勝天涯遊子恨傷心峽口更何如

一鞭 勅使上神京五馬啣恩牧大名老我湖山偏入
夢憐君風雨倍含情娟娟慈竹三更月脉脉啼鳥萬里
程回首 彤廷沾渥寵泉堂此日有遺榮

寄候李中崑憲副兼呈小鰲水部

白也才名齊北斗臺端聲價重南金青羊坐酒當風發

玄窟開林特地尋，膝下有人能接武。山中隨寓可投簪，十年潦倒瞻何極。萬里題封思轉深。

錢別陳六亭水部入蜀還朝各一首

喜入新年到二日，西湖送客好懷開。一尊惜別牽高柳，萬里傳情折早梅。蜀道風塵憐去馬，水曹冰雪重行臺。檐頭春色知多少，玉樹瑤華任品裁。去年今日喜逢君，載酒湖亭醉夕曛。對局談玄分燕壘，臨詩起草失鷲群。留連不盡關頭月，悵望誰憐江上雲。飛泊九天瞻注遠，更于何地話慇懃。

題曉雲和林宿海韻

緩步閒街見曉雲，輕盈溶洩曙光分。兩昏夢掩陽臺月，風定仙留太液裙。海嶠從龍春有約，洞天伴雀夜無聞。何當卸却飛揚態，旖旎添五色文。

雨中飲孫越山次祝九山韻

山堂坐雨興偏幽，老眼看花可自羞。歌徹九天春入夢，涼生六月晝含秋。棋先得笑誰爭長，酒後開壺較未休。秉燭何緣深笑語，呼盧那復任遲留。

餞嵩山李戶部竣推還留都

長夏高飈淨虜煙，秣陵千里便歸旃。關頭折柳去難綰，部外放舟登可仙。兵燹那心充課額，交情和淚辦詩篇。

頻年國計籌邊急今日三吳更慘然
君家百代嵩山望此日嵩山望洛陽維嶽生申周屏翰
爲今之特漢詞章風裁對景發真興議論快人多體量
此去金陵逢舊故爲言泉老近踈狂

仰泉爲林郡博題號圖

甘泉一派下三山噴瀑洪厓指顧間霖雨九天溥玉柱
煙霞滿地點蒼斑尋源老宦攬雲出勅水神魚朝日還
海內只今荷清沛不妨翹首更躋攀

和近山金太史湖上韻五首

六一泉居雲水連山亭更近蔚藍天當軒曉色坐芳樹

隔浦晚風歌采蓮老向詩篇從見道醉來笑語亦參禪
先生剩得湖中趣拂紙臨流興灑然

日月寰中幾盪摩百年荏冉此經過慵將白髮生新感
醉倚青山發浩歌泉館天長時見斗湖田秋早近登禾
滿前樂事渾忘老爲說先生笑口多

良史誰誇馬子長君才今古足相將絲綸閣下 恩光
重鷗鳥溪頭機事忘小築山堂閒傍水周栽花竹巧當
墻耽詩坐酒日成僻莫道先生老更狂

恠底湖山不老身輕車短檝往來頻沙鷗點點浴出水
野雀飛飛鳴向人意興獨高千古調襟懷常飽四時春

慙予亦自操觚者何處風前遠避塵

笑微湖天是遠猷閒愁元不上眉頭風花有約乘春發
魚鳥何緣盡日留醉入壺觴雲樹渺夢回屏榻石窓幽
雙峰遙指百年後華表先標太史丘

和祝九山地鄉重陽對雨獨酌四首

九山高客三山舊長老孤山思故友十載江湖鳥羽便
重陽風雨雁聲稀清談不愧王夷甫瘦影全窺丁令威
索共黃花耽晚節肯憑時序嘆離違

常年九日花爲節今日重陽雨及辰籬落幾拚供笑眼
天涯何事泥愁人雲依階面滄江濶秋老風前白髮新
恠底淋漓徹昏曉且傾濁酒任吾真

清秋菊萼冒霜開冒雨今秋菊可猜陶令閑情偏對酒
杜陵多病亦登臺好酬佳節堪誰共莫道新詩仗底催
明日高晴更延賞不妨蜂蝶去還來

紫萸黃菊可憐秋萬里西風消客愁烏帽盪珍那病酒
青山迢遞一登樓歸來漫賦淵明徑老去誰尋謝眺洲
珍重先生有餘思花前覓句倡還酬

簡玄谷蔡子時宜和鳳峰沈大參韻

輕裘單騎雄今古出入巢居屢不驚天日開明宣德意
犬羊狙詭識夷情直教海徼狼煙息會見川沙莎草生

川沙窪海上地名 萬里封侯應不忝令公那獨擅高名

送草亭方理藩靜山王經憲入覲和韻各一首

詩酒相逢渾未愜草亭此別意何長清風一道乘春候

赤日三更動曉光駕雀早從西水驛折梅先寄北山堂

免寄李北山卷 太平金鏡千年祝 關天高笑語香

閭闔天開五夜祥臺臣嵩祝慶隆長聲華早擅橋門重

節槩元推部領光 王以國博轉戶曹今調此官 千里風塵憐驛騎九

霄雨露下 朝堂關頭那更頻回首花鳥西湖舊酒香

春仲燕南泉沈刑部儒宅和聯句韻

今昔休文興味嘉筵前解語玉生花且憐鳳曲鸞簪度

謾說霜毛雪髮加野客何緣叨共賞清尊拚醉不須賒

夜分更燭聯春句滿紙煙雲羨作家

錢小鰲水部和近山金太史韻二首

曩予郎署侍 今朝歸老林泉已二毛更覓舊游歌錦

水從瞻高駕出丹青湖山握手心同醉江郭行春雪未

消去去金川天萬里月明巫峽夢魂遙

去年春日日邊來今日乘春彩鷁開謾道世多經國計

須知君抱濟川才雲山天遠歸圖畫江郭風開落酒杯

憑仗官梅將此別且牽高柳一徘徊

題平泉蘇地卿 恩榮錄次自述韻

平泉龍劍夜常鳴君抱雄才煞有聲四牧臺章循吏考
重封 恩命大夫榮雲霄喜陟推留部柱石行膺殿
帝城此日關津暫棲托接天甘雨見生平

三月二日壽蓮湖李太府久雨是日喜晴有感
連宵江郭雨飛花曉起晴雲捧日華上巳迎祥開燕寢
長庚拂曙照烏紗桃蟠東海三千實春滿西湖十萬家
老我何緣將此祝勛名齊斗壽無涯

送洋山凌僉憲雲翼陟叅江右

湖上看花剗醉眼江頭倚棹動行吟三年執憲監司重
兩浙懸情沛澤深廬阜暫移笙霍駕吳門端合水雲簪
一天雨過生新感千里川源接地陰

過吳淞有懷明厓張督府景賢原號岷厓

曩余忝竊青城主長望岷山第一峰洞府低回調野雀
天都崇簡覲人龍十年健翮風雲便萬里神功霖雨從
老我湖山且沾被不妨淞泖話相逢

再過張公洞和海峰吳少叅紆韻二首

曉泊村雞隔岸啼湖天雨足水平隄看山露漉和雲濕
卽路風閑信馬嘶石塹筍輿擔更險洞門火樹照還迷
百年記取題封舊憑仗蒼厓百尺梯

洞天千古此重來曉日登臨曙色開野老有緣供步履

玉人何處覓追陪時王陽洞主不遇故云岩花着地窺玄竅空翠
沾衣卧石臺勝槩可須留客住詩篇不惜向風裁

玉女潭簡王陽史尚寶和緒山錢秋卿洪韻

潭空影落曙光多風度松篁襍珮珂
龍歸洞口雨初過仙官祝獻殊
恩寵禁客登臨且笑歌底事無緣不同賞月明千里聽迴波

玉陽至止開尊舟中河橋夜別和南江馮道長韻

河橋秋漲綠平田高柳牽風不繫船
十載玄瞻仙島勝中宵情話旅燈懸
交游剩醉波心月忠義應凌閣上煙
殄滅竟殘仗真宰凱歌聲裏荷生還
王陽屯無海上行荷忠義可能之類

答石川張通叅家次來韻二首

石川老子思翩然歷覽名山七十年
五嶽嶴嶴非浪跡九夷笙霍快登仙
馳遊花發湖西路壯觀潮迴海上天
身世萍蓬隨去住不煩問舍更求田

隔岼芙蓉花欲然湖頭秋色自年年
開尊慣結煙霞伴杖策時過雲水仙
可趣良緣疇夙好不妨清夢度遙天
從君我欲茗溪社小築茆堂傍石田

節飲湖中晚過方泉山堂開尊小舟飛渡二首

湖遊鎮日共陶然綴席名娃揜少年
花外小車駘馬客風前高蓋玉堂仙
南江侍御后岩宮坊在坐故云移尊別院堪乘月把

酒狂歌欲問天身世幾拚千百醉不妨未老賦歸田

扁舟急槳更超然西子携遊憶往年風日可堪經十里

煙霞端合卧三仙時河南江東滙舟旋即看塵海渾無寄不道蓬

壺別有天波面水心歌一曲沙鷗野雀下平田

少岱谷年兄繼宗遠過話舊倡和三首

唐聯漢草足生涯棹發騷壇急使槎千里吳門驕勝賞

百年魯國羨名家夜深古寺客無夢秋老踈籬菊有華

取醉明朝湖上約及門先許遲茶瓜

少岱名家翰墨場江頭躍馬意何長河陽試課三年最

陶令旋歸五柳莊杖策看山多感愴卸杯覓句任清狂

秋風千里同袍客把酒湖西興味償

秋老湖陂雲水長泉居爽朗接滄浪千崑閣日巧當戶

萬木含風高可墻遠客尋詩心獨往閒情坐酒醉何妨

上林花鳥思疇昨此日追遊樂未央

方湖督海開燕北海樓席上和韻

北海樓頭日正中凭闌萬頃遡長空蛟螭簸浪迷春汛

鷗鳥飛翻趁晚風鐃鼓當歌喧甲令銅鞮佐酒贊元功

露華搖落紛多興弦月女睥窺繡櫳

虛江總戎張筵招寶山和劉晉山石上韻

招寶山懸千仞梯振衣欲上翠應迷海天一目渺何極

風景四時渾未齊
法雨慈雲沾客座
腥氛瘴靄淨前溪
將軍坐鎮無他事
醉挹長河仍鼓鼙

送郭少岡行取至謝村即景有作

越水燕山去馬遲
仁賢高槩士林詩
即看野渡維舟楫
會見天朝作羽儀
好雨平疇青入座
甘棠滿地綠臨池
陽關一曲君千里
不盡人心去後思

壽蓉峰王中翰六十

祥開初夏氣恢台
萬物欣欣仰泰來
此日蓉峰開壽域
周天花甲向春臺
聲華早羨明光草
公輔從占南省槐
我昨東遊泛蓬海
笑携丹核獻言杯

上清宮

上清宮殿逼丹霄
複道迴廊宛聖朝
崔駕五雲來法
從鸞驟千里
迓星輶當閔龍虎
疇能伏極浦
煙霞不可
招指點仙岩多勝槩
月明何處聽吹簫

題崔歸亭次趙雪松韻

野雀歸來月滿亭
白雲迴繞萬山青
浴仙早已參真訣
冲化何緣曜爽靈
靜裏玉簫聲幾曲
閒中丹照見三庭
修篁箇箇搏清籟
永夜高天峭可聽

白鹿書院和壁間韻

崇標白鹿景前賢
雲構齋居列講筵
道在六經懸日月

身居詩集卷之十
五
心傳千聖托歌弦源頭雨足波流活洞口春深墨草鮮
此日宮墻瞻禮便西川回首思依然

五老峰

五老何年跨雀來
條然法駕殿風雷
直從大地開玄竅
擬仗名山秩上台
萬里月明橫鐵遂
九霄雲淨控霞杯
長生我欲修真共
立馬品崖日幾回

瀑布

廬阜山空萬壑哀
山坳飛瀑更喧豗
玉龍大海春常翥
銀漢遙天晝轉回
繞樹幾從紛作雪
緣岩一道響奔雷
猿猴愁絕渾難度
老我閑心去復來

天池寺

天池端拱上霄峰
絕壑雲平翠幾重
入夏雪封千丈塔
隔溪風折萬年松
凌虛閣迥登攀便
留日厓危笑語從
即爾皈依尋惠遠
東林只尺杳難逢

竹林寺

顛仙赤脚僧天眼師徐道人
會集之地今存其石故云

聖祖開基產異人
周顛赤脚捻誠臣
四仙羽化元非偶
一統籙來自有真
此顛仙隱語也
玉檢竹林千古寺
金函鐵塔百年身
赤脚狀化之所
豐碑表識殊
恩寵仰止風前拜
後塵

春莫朔發都昌阻泊三日感懷

狂飈逆瀨斷行舟
急雨奔雷更可愁
安得輕帆天外發

不煩柔櫓浪前浮軒翔欲駕凌霄雀輕便何緣出水鷗
好向家山尋舊隱長卿亦自倦登游

壽橘軒沈封君七十兼簡鄱陽令萬州

蘇耽橘井功誰並今日淮南見橘軒一勺可能生大衆
群方猶自守丹元談棋不減商山樂戲老應從漢代尊
膝下憂民心更切傳君心法愈煩寬

題信吳同府半村劉別駕翠野孔節推沂川號

依違郭口無多路舍止田頭半是村小結茆堂論舊雨
弘開道業見真源神魚野水驚常躍老雀閒雲且自言
爲說錦園風物異春明回首任飛翻

綠野四朝裴相第青郊一曲杜陵詩多君最愛筠衫操
老我偏憐松柏姿禾黍平疇秋兩候川原入望晚煙時
百年此地真堪羨何日相將慰所思

宮牆道派開隆古沂水仙源啓聖師一脉東來經岱
麓幾從南下入徐邳浴乎此樂疇能識點爾真詮良在
茲珍重沂川勤仰止涵濡至教更何知

詠龍峰陳上饒添梓蕪致應朝晉簡之賀

飛龍峰下雲常濕飛鳳山頭日轉高此際才名推仲舉
百年棲托傍林臯饒江接軫勤民便京國乘春謁聖
勞早晚傳宣張大寵接天甘雨動風濤

身居詩集卷之十
寄勗棠兒

我兒今歲三十一汝父當年與計偕已向塵埃悲老大
誰憐道業苦推排九龍闕下瞻佳氣萬里風前覓壯
懷指日槐黃秋試近好憑燈火向書齋

江上簡賀方湖大中丞三首

輕颺霏雨下江干江上帆檣出羽翰此日故人三授簡
九天新寵一彈冠旌旗風閃蒼龍翥節鉞霜飛白晝寒
迅掃妖氛蕩腥海早將封事報長安

臺臣崇簡肅

天威百道風聲拔虜圍明海波寬懸將

令舟山雪苦展兵機鯨魚出水驕能縛貍虎當閔憤可

揮開府八閩新節制三吳亦自仰恩輝

少小知君翰墨場天才雄抱迥非常一從魁選西川重
萬里聲華北路長閩浙何緣深節鎮明良端擬慶朝
堂老夫倚棹桐江上把酒臨風喜欲狂

贈薦齋胡水部竣推歸省兼簡謙峰尊翁太府

芝山秀發錦雲祥大雅崇開門闕光百代夔龍應接武
九天雨露日生香水曹自古多才雋行部如君更紀綱
初夏江頭話長抱好憑詩句訊高堂

天人交濟冊爲希齋方伯賦

路當衡嶽通都便江合蒸湘二水深病涉幾湏圖利涉

泉石詩集卷之十
五九
人心早已動天心轟雷割爾真奇構裂石居然抵萬金
求濟神功君大政飛虹橋說到而今

灘行有感

路入新安百八灘一灘千挽力應難沙鷗出水衣裳濕
野雀啣雲去住寬過眼錦峰懸島嶼傷心白石任波瀾
蓬窓坐酒驚回首峽口江頭底樣看

登齊雲石

霏雨灘行絆濕雲登山晴日散朝暉祥開白嶽窺玄度
望入靈岩煥斗文凌截天門千古勝保和 聖壽萬年
勛我來朝禮心香在那得常依鸞雀群

雲晶秀拔出雲間上客摠趨響珮環屹爾仰瞻蒼鳳闕
居然重列紫宸班神霄入馭通三極天柱當曾控九關
無數好峰流几案危攀窮覽未應慳

紫霄厓迫出蒼空派落銀河路可通永夜月明還洒洒
高天雲淨故濛濛樓涵積素元非雪簾閃真珠不受風
千古廣成傳道語更于何地覓崆峒

曉行山月歛柴門露葛煙蘿不可捫迢遞仙岩開島嶼
中和道氣滿乾坤九皇一自凌玄極五老常年拱至尊
此日穹壇瞻禮使天風兩腋任孤騫

右次石川

張通參

千盤壑控九天開面面煙巒擁翠來洞口棲真堪自老

溪頭坐月未應迴名山自古多形勝野興從君一品裁
爲說元峰谿徑別新篇端讓錦雲才

右次元峰
少宗伯

晚過於潛簡謝表近沙一首

野客馳車經遠道還家只尺到江鄉高賢尊酒花間出
苦雨三更夢底長且對樽蒲間自語漫勞傀儡戲登場
明朝劉近葵榴節笑擁芝蘭樂未央

瑞草吟與冠山夏地卿聯句用韻

靈苗披拂上雲沙高介臨書喜帶斜青到小梢
紫苞新穎客誰家十年自許君同臭此夜猶看月共華
恰好臺端堪着落不煩靡倚漫隨車

石佛寺聯句

醉浥清歌舞石蓮半歌雙袖更翩躚垂楊斜日繁陰下
貝闕珠林細雨邊北上風雲皆望氣南來簫鼓况仙舫
賓筵此別情何極擬賦當年天保篇

源泉山偕白石坐月聯句

月下看山山更清中秋涼月倍關情風聲樹影迴征鴈
火色星華散客旌今古獨憐同照席乾坤還許一分觥
狂歌不盡留連意會見沙頭春草生

望至聯句

頑陰朔氣漫天涯十日陽回能幾時只恐米霜元自苦

劫來花柳爲誰私，瑤華且共燈前惜。雲物那堪眼底遲，
聖代擬知君子進，相逢尊酒莫深悲。

三日夜燕七松軒次聯句

遠道長驅悲晚天，銀鬕翠管散華筵。風前柏葉君相許，
月下瑤花春可憐。列炬九衢明露冕，浮埃萬井拂星旗。
何當仙侶雙雙下，不盡閒情款款聯。

餞繫舟虞衡權荊州聯句

上谷年前重憶君，和風吹動細泉紋。曉來鳳闕猶新寵，
臙去燕臺尚朔雲。黃道九天開日月，春情萬里散氤氳。
遙遙奉使荆南別，目斷衡陽雁幾群。

送繫舟開燕孫園聯句

曉風吹雪漾丹霄，送客行春向野橋。雲外三湘遲去旆，
荆南萬里憶吹簫。竹光裊裊疇能別，樹色輝輝不可招。
躍馬林臯乘遠興，禁寒濁酒貫金貂。

歸過北盤宅開尊聯句

風雷堂上散春輝，水竹橋邊送客歸。塵世况逢新甲子，
天涯猶惜舊征衣。隔溪壚出王孫酒，千里人從黃鵠磯。
肯爲分枝重惆悵，乘龍躍馬各翻飛。

春陰惜別聯句三首送沙洲歸遼陽

漫天雨脚散春陰，煞地龍津入夜吟。皇度百年閑世

道風光何處慘人心藍橋路遠惟流水谷口雲深空好
音孺子有緣還下榻陳君無計可同衾

紅花碧草亦芬菲白璧黃金可是非易水風前彈劍去
閭山頂上振衣歸十年鳳閣淹封事回首龍灣甘息機
宇宙應憐思鶴髮乾坤翻喜報春輝

搗來詩酒意方濃忽爾關山路幾重瀚海風波真幻恠
遼陽煙月自從容柱頭語轉調靈霍鼎內丹成起活龍
他日賜環應有詔更于何地話相逢

初春夜筵即事聯句

燕山風物漫相尋檻外長松自古今野雀搏雲隻欲下

寒花著雨半難禁不妨夜色開珠箔爲喜春心托素琴
把酒對君君盡醉莫教空放二毛侵

即事聯句得臺字

春日喜登泉上臺暮雲殘照遠相侵東南紫氣扶丹闕
只尺靈光接上台官閣不妨人共酒洞簫何處雀同來
山腰昏黑愁歸路忽爾風聲萬壑哀

水亭藥欄聯句二首

草閣春深花不稀水亭日煖蝶翻飛荼蘼半吐香千樹
芍藥初開紅一圍玉筵新腔愁未淡青樓絕代巧相依
耽詩坐酒淹昏黑雲淨月明開石扉

細雨階侵紅藥欄，狂香浩態未摧殘。
一枝拚向東風折，萬里應酬蜀道難。
露下輕盈翻自媚，燈前娟娜爲誰歡。
浣花此去花如許，莫把新芳別樣看。

海樓李憲副冬夜對酒聯句

淮海論心餘十載，雲華坐酒話今宵。
春心不共風塵老，月色偏憐霜露饒。
萬里何當愁旅况，三江隨處着漁舠。
春明有約湖西路，南北峰頭雀可招。

卷終

